

四庫全書存目叢書編纂委員會編

齊魯書社

四庫全書存目叢書

集部
第二一冊



責任編輯：孫言誠 賀 偉

ISBN 7-5333-0615-5



EB39/28

四庫全書存目叢書·集部二一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 45.875 印張

1997 年 7 月第 1 版 1997 年 7 月第 1 次印刷

印數 1 100

ISBN 7-5333-0615-5

Z·60 集部定價：127800 圓

集部第二一冊目次

集部·別集類

趙寶峰先生文集二卷

〔宋〕趙偕撰
南京圖書館藏明嘉靖二十二年趙文華刻本

宋鄭所南先生心史二卷

〔宋〕鄭思肖撰
北京大學圖書館藏明崇禎十二年張國維刻本

宋貞士羅滄洲先生集五卷

〔宋〕羅公升撰
南京圖書館藏清鈔本

林屋山人漫稿一卷附錄一卷

〔宋〕俞琰撰
北京大學圖書館藏清鈔本

遺山先生詩集二十卷

〔金〕元好問撰
吉林省圖書館藏明毛氏汲古閣刻元人十種詩本

松雪齋集二卷

〔元〕趙孟頫撰
復旦大學圖書館藏明萬曆刻本

草廬吳先生輯粹七卷

〔元〕吳澄撰 〔明〕王葵輯
北京圖書館藏明嘉靖二十四年謝適然刻本

剡源先生文鈔四卷

〔元〕戴表元撰 〔清〕黃宗義選
北京圖書館藏清康熙二十七年馬思贊刻本

五六七

趙待制遺稿一卷

〔元〕趙雍撰
北京大學圖書館藏清乾隆道光間長塘鮑氏刻知不足齋叢書本

六二七

清江碧嶂集一卷

〔元〕杜本撰
南京圖書館藏清鈔汲古閣本

六三五

太平金鏡策八卷(存卷三至八)

〔元〕趙天麟撰
北京圖書館旅順博物館藏元刻本

六五八

水鏡元公詩集一卷

〔元〕元淮撰
南京圖書館藏清鈔本

六九七

趙寶峰先生文集

卷一

易曰風行水上渙天文也天文者莫之為而為

者也惟有道者能之有道之言如之何六經是
矣後世之文得乎是者十一不得乎是者十九
故以馳騁為贍以雕鏤為工以峻直為蒼或肆
意於淫蕩或放情於譴浪或遣興於花鳥讀之
者善形乎顏面樂形乎手足是謂文之奇偉名
當世而不及也而不知非有道之言非天文之
自然也明之慈谿寶峯趙先生詩文若干卷寶
得乎天文之自然者也先生蚤歲欲攻舉子業
以不窺乎聖涯即棄去與二三友讀楊文元公
書有覺而從容山水間益致其力見益明而守
益固一時之有志者皆就而講學焉斯道與伯
氏性善亦與焉故先生之文不追琢不矯揉皆
發乎道心之正非蹈襲乎末世之弊者也使有
道者觀之則當嘆當賞不暇使不知道者觀之
則必以咀嚙無味然二者於先生何損益哉先
生謙世已久其外孫顧恭復懼其散逸編次手

書請斯道以書其實云先生名偕字子永故宋
之宗室也門人烏斯道序

書請斯道

卷一

二



門人祭寶峰先生文

至正二十六年歲次丙午十二月戊申朔越十二日己未門人烏本良鄭原殷馮文榮羅拱方原向壽李善烏斯道王真顧寧羅本翁旭王桓洪璋徐君道方觀裘善緝李恒翁昉岑仁王慎童惠王權高克榮顧勲王直葉心衷重周士樞鄭慎茅甫生等致祭于

故寶峰先生趙公之柩曰人生天地之中在明此道而已夫君臣父子兄弟夫婦長幼朋友有

尊卑等級

忠孝信義恭敬慈愛亘萬古而不變

者此道也始先生與二三親朋講明此道上師楊文元公有得於反觀灼然信夫古聖之學不外乎此以為三代之政可行百家之言可一擬然而立毅然而行時人爭咲竊議且詈且排先生不惑紛呶自守不渝生等耳聞面命獲與斯生刻骨銘心曷為可報常期先生道行于時匡

民奈何一疾竟殂莫仲己志於乎痛哉是

先生之有同德者存其然耶於乎心無死生此先生平生之言先生精神何往何來何生何死一奠告哀惟神監之

友祭寶峯先生文

至正二十六年歲次丙午十二月戊申朔越十二日己未友生王約時觀致祭于

子永趙公寶峯先生之靈於乎吾道其至矣乎天地亘古今惟有此道而已天地非此無以開闢萬物非此無以生成人不明此無以事君

親以綱紀天下為大丈夫於乎周公沒孔子

無位不肖者愈不肖愚者愈愚道其不明矣夫

天地間有如子永者生於斯文凋瘵秦火燬之異端誣惑之餘寥寥千載之下誰如其信道之篤居乎廣居於乎子永王約先妣之姪也時觀

學年同窓之友也幸同生四明東海之隅深念夫學道之初惟嘆茫茫長夜哀哀迷途雖有志於學古無所啓明不免問道於育欲前倒想幸

祖宗餘澤上帝錫福惠衢翱翔乎山水之間

而同登楊夫子之門牆獲覽聖書忽觀自己光明正大咸自知其非故始信洙泗素王之道天獨闡於慈湖寫出世所不傳之妙大明乎君子儒於乎子永由是而不為巧言勢利所動從事乎世俗之區區篤志乎孔楊之學直欲建勲業為伊周致大君如唐虞惜乎時不我遇空有志於拔茅而連茹於乎吾徒老矣有志者云俎孔楊之學失此良友死者不可復生吾不知其為何如一冀永訣嗚呼嘻吁

寶善堂藏

卷一 五

趙寶峯先生文集卷之一

書

上許縣尹書

慈谿趙偕謹上書二章于具瞻大尹先生坐下其一曰自古以來為政之難莫甚于今日士君子非有克艱大德豈能處斯世而不謬某自揆庸下罔知修己治人之道甘終身于草萊中然聞一人弊政未嘗不感慨見一人善政未嘗不悅服茲聞先生慈祥豈弟不剛不柔真有父母

寶善堂藏

卷一 六

斯民之心殊非作聰明要虛譽者所可比下情聞風興起輒有未論敢敷陳之上古聖訓曰元首明哉股肱良哉庶事康哉夫為人君者元首也為人臣者股肱也元首惟明股肱惟良庶事斯康矣此誠立政之要貫古今徹上下非特治天下者所當法凡受天子命臨斯民者咸不可不遵之今之郡縣即古之侯國今之守令即古者侯國之君也矧今守令特奉皇訓分正郡邑南面臨民豈宜無貳從以輔翼之譬如元首若

無股肱則是塊然一物而已既無四肢豈能運用今之守令非無貳從也有僚佐焉有史胥焉雖有其員而無其實古之為貳為從者無非長官之股肱也今之為貳為從者非特不能為長官之股肱遠以病長官之四肢害長官之運用豈今之人皆不如古之人耶豈古之人皆賢於今之人絕無良心耶特後世之選法太失古典有以使其然成其弊耳自古為政者有大權斯有大功天下之權莫大於進君子退小人古者長官得以自簡乃僚君子由吾而進小人由吾而退予奪賞罰皆自吾而制之貧賤富貴皆自吾而取之吾所進者皆君子則小人亦將觀感而興化矧吾之所取乃吾之同寅協德者方且獻忠陳善之不暇安敢不為吾之用而背吾所任哉惟患長官非其人耳今也則不然今之郡縣僚屬皆非長官所得而自辟雖胥吏微役亦非長官所得而黜陟公家府庫錢帛又非長官所得而區用官吏俸祿甚薄不足以養

廉不得不貪墨以為家計長官不能重其祿以勸之庶人在官者甚至全無升斗祿以代其耕若不循私則無以仰事父母俯育妻子長官亦不能常其產以生其恒心為長官者既不得以進君子退小人縱賢且明亦末如之何况近世用人大槩惟論資格不專論其賢不肖天下賄賂公行為官為吏一階半職鮮有不因私情而得之者既以枉道失節若非為名為利所圖何事巧於覓利者以為有能善於要名者以為有才倚法行私蠹政害民竟以為常間有賢者實不為名又不為利赤心為國為民何止百無一手無一上下左右反以為怪而疾之烏乎自周公沒孔子無位天下不復見聖人之治秦漢以來源不潔流不清綱不舉目不張不知其幾年矣今上皇帝深憫黎元謹選守令其意篤至特命先生來撫鄴民今郡僚既不可托史胥又不可信無輔無翼何以仰荅責任之意今大可憂者私情用事公論隱伏所以真偽莫辨是非

明然則何法可取公論以弭私情大抵士大夫皆君子則公論在官府士大夫皆小人則公論在郊野近世風俗說薄雖不古朴人之生也本直十室之邑必有忠信今夫里巷羣居其情狀大可見其相與忠信正直則彼必服相與不忠不信不正不直則彼必不服苟不合理雖惠利之面雖感恩退有後言其心終不能服十事九合于理人服其九亦不服其一甚矣夫人之良心不可泯滅也如此甚矣夫人之公論不可泯滅也如此此曉然之理人莫不知之若不得其人以裒取之則公論亦不易得是猶沙裏取金石中取玉若無良工智匠安得至寶今來莫若自節已俸延致同志之士一二人或四三人必其平日好公惡私者但求其性行不問其文華不使籍名官府使得從容在外專一訪問體察各都隅何人忠信正直何人孝弟修謹一一紀其姓名今世人物雖甚凋弊而彼善於此者不可謂無固不能量其材之大小而官之亦宜以

禮賓敬之以備詢問或至孝而甚貧者則勸多財好義者以恤之非惟風勵人心而諸處公論庶可由是而得百姓利病諸事是非某弊營革某令當行皆可由是而知之又風夜兢兢不自滿假旁求既賢且哲之人日與討論人物賢否政事得失尤為盡善盡美昔孔子謂宓子賤曰子治單父衆悅子何施而得之也子語丘所以為之者對曰不齊之治也父恤其子恤諸孤而哀喪紀孔子曰善小節也小民附矣猶未足也曰不齊所父事者三人所兄事者五人所友事者十一人孔子曰父事三人可以教孝矣兄事五人可以教弟矣友事十一人可以舉善矣中節也中人附矣猶未足也曰此地民有賢於不齊者五人不齊事之而稟度焉皆教不齊之道孔子歎曰其大者乃於此乎在矣昔堯舜聽天下務求賢以自輔夫賢者百福之宗也神明之主也惜乎不齊之所治者小也聖訓昭然而或者猶以為聽政之道在我從公予決奚必旁

與賢哲訪問人材然不知孔子有云然於取人
勞於治事勞於取人佚於治事帝舜大聖而稽
於衆舍己從人孔子大聖為魯司寇斷獄訟尚
違衆議者而問之況今貪官汙吏常乘間俟隙
取吾視聽障吾聰明與其用一己之耳目孰若
用衆人之耳為耳則其所聽也廣雖吾耳之所
不及者皆可聞用衆人之目為目則其所視也
博雖吾目之所不及者皆可見民情真偽斯不
可匿庶事是非斯可以明諸人咸知我德不孤

與賢哲

卷一 上

矣耳目多不可得而欺矣吏奸不可得而肆矣
賄賂不可得而公然行矣民心悅服教則從令
則行矣孟子曰人之有道也飽食煖衣逸居而
無教則近於禽獸聖人有憂之使契為司徒教
以人倫父子有親君臣有義夫婦有別長幼有
序朋友有信此道不行於天下久矣五品不遜
百姓不親未易悉言之古今風俗不同人民貧
富不一貧而無怨難富而無驕易而禮樂久不
興刑罰甚不中人心多乖亂今富家子弟不知

稼穡之艱難大率荒淫無禁反不若貧困者有
檢束况於當今設其教化豈能家被戶及宜先
體察各都隅富足人民如父子不篤兄弟不睦
夫婦不和及豪霸兇惡為人害者俾里長主首
社長理諭之不慈孝者勸其慈孝不友弟者勸
其友弟婦不敬其夫者戒之夫不敬其婦而寵
妾狎妓者勒其已之如叔姪兄弟之間恃尊凌
卑或奸頑犯上事產偏負者則與和平之凡有
豪霸兇惡為人害者使之改過遷善仍別令人

與賢哲

卷一 上

多方體察果能遷過不吝者以禮加敬之如有
不從理論者則追其到官從而訓之戒之至于
載三或猶有未率化者則示衆以耻之敢有怙
終不悛者則嚴其刑懲一戒百不可輕宥如是
施行誠能使其天屬之頓愛父子翻然而篤兄
弟翻然而睦夫婦翻然而和乃良心所本有衆
人之所願何止一家父子兄弟夫婦咸悅親戚
隣里四方傳揚凡有父子兄弟夫婦者無不悅
矣此之謂要道為民父母者職當如是若待其

父子兄弟夫婦有訟於官然後聽之縱然斷之不失則已乖和氣何以感動人心其民之不良者待其惡成而刑之則是不教而殺謂之虐何以使人心悅服孔子曰聽訟吾猶人也必也使無訟乎若區區惟以聽訟為能恐非學孔子者所尚雖然取其不孝不弟不良者教之戒之治之豈若書其孝友睦婣妊恤書其德行道藝興其賢者能者而進用之量其德之大小而崇卑之不限資格惟擇賢材則天下之人咸知仕進者無階可入惟德是階則不孝不弟不良者中心默感咸將舍惡從善舍偽從實其德之流行速於置郵而傳命則成人有德小子有造比屋可封閭閻空虛亦非難致之事矣而其責非今之守令所可行某之言止於其不可為之中而為一時權宜之計其中心亦以先生嘗欲辭去而勢未可欲遽行已志而又不可正坐宓子賤初宰單父掣肘之病故敢僭越言之魯公春秋諸侯也尚稽孔子之言遽發使告宓子曰自今

已往單父非吾有也從子之制有便於民者子決為之方今聖天子夙夜圖治必有如孔子者相其事二帝三王治世大經行有日矣則一時權宜之計奚足用惟先生詳審之其二曰商書曰好問則裕自用則小孔子曰知者莫大於知賢政者莫大於官賢共惟太守謙恭下士有好問之德不執自用之私於先生尤篤信可謂敬賢矣可謂能然言矣而使可以進君子退小人可以一乃官一乃政則德惟一動罔不吉矣進思盡忠退思補過不患乏人矣惜其有敬賢之心而無用賢之權未免去羣邪任正人一齊不勝衆楚然而海隅蒼生困苦甚久今幸聖天子謹擇太守下惠元元正猶赤子之得慈母莫不注意莫不渴仰矧今為政甚難若不明其本末知所緩急度其可行者行之則發號施令人不服從雖有豈弟愛民之德反不若奸雄舞文弄法乃為能事竊恐五穀不熟不如稊稗何以

在路府職在監臨凡吏民之不治乃司縣官之責也各司縣官不稱乃職則路府官之責也為路府者若干司縣之職則設司縣官為何用若不糾正司縣官是非則監臨何事各司縣執政任事自有官有吏路府特總其政者故稱曰總管況諸縣之衆千里之廣庶事之夥民情吏弊奸宄百出豈能周知苟不先正各司縣官而務吏民末事則是不提其綱而求其網之不素又況各司縣官廉明者甚無幾惟貪殘者不乏若吏若卒無非為其鷹犬所部豪民不公不法亦無非假其威行其惡耳苟官長得其人清矣明矣賄賂不行無偏無黨則吏卒豪民何所恃而敢肆無忌憚今若欲拯治各司縣吏民安可不自官長始譬猶水之失道若不究其源正其脉則諸流各派汎濫橫行孰能禦之昔者天王欲正天下九牧必先擇六卿六卿正則九牧不待天王擇矣諸侯欲正庶士必先擇大夫大夫正

則庶士不待諸侯擇矣今之郡守即古之諸侯今固不克參酌古法擇其賢驟升以勸將來亦不宜坐視不肖者壞政害民而不思所以正之宜集各司縣官而誡之曰朝廷為下民建郡縣設官分職各有攸司吏卒不法人民不治皆汝之責汝若不忠君命倚法行私是予之辜予職在監臨汝等當夙夜不寧察汝行止汝稱乃職予不敢蔽汝惟不公亦不敢匿當一一上聞自今以往咸宜改過自新敢有怙終不正則國有常刑仍求賢哲之士日與講論凡可以正人倫厚風俗起公論抑奸邪一切興利除害之事立紀律畫條目責令合屬奉行戒其勿違斟酌損益責其所可責戒其所可戒令出惟行弗惟反惟所慮者賢哲之士甚不易得而亦不可謂之絕無物以類聚亦在人所好如何耳各司縣官自戒諭之後如有仍前曠職恣其奸貪以私滅公縱其吏卒壞政害民者令人多方體察或私行詳審得其實跡於內先取汙暴尤甚者按其

合黜過名申開合干上司其次者或耻之責之
凡有廉明特立有政於民者宜優加禮待或保
薦之或委任之其能改過自新者亦如之其本
處官俱非其人不足以責任則委他處廉幹官
時往督責其行事如此旌善懲惡扶正抑邪振
其綱紀樹其風聲則下司有所激勸有所畏懼
未必頑者無廉心未必懦者無立志則制吏卒
安人民責有所歸不待上司一一整治矣庶幾
不失統緒約而不泛用力少而成功多或以為

卷一

七

今之仕宦者不免用情幹除兼任所遠涉其祿
甚薄不足以養廉為上司者不宜太察損人前
程此誠可念而苛政猛於虎生民無所措手足
其害尤重苟能治其貪酷以警其餘則下民免
禍不小上天豈不鑒之矧今皇帝憂民荼毒屬
意守令特加眷命異於常員民為邦本本固邦
寧為臣子者當體聖意為民除害不宜小不忍
而亂大謀况暴官汚吏酷於取民雖積帑千萬
計而皇天無私其家災殃迭至不旋踵而壞矣

終不若清儉者悠久無恙為上司者若能糾正
下司俾之從吉遠凶積德避禍非惟盡忠於上
亦以錫福於下可不懋哉至若府中之事六曹
有吏學校有官錄事有司案牘則有經歷司主
之刑名則有推官掌之牢獄倉場庫務莫不各
有司存士大夫多不深明設官分職之意不知
任人之法罔知為長官之職當如何大率惟以
口辨為事縱能理落其一二而事情隱伏非口
辨所及者甚多未免以是為非以非為是為吏

卷一

六

者得以乘間俟隙脫押文字借倩語言以行奸
弊巧言令色孔壬乃古人所畏夫以一人之口
以禦羣小之舌難哉昔魯公欲學辨言以觀於
政孔子不可仲弓言居敬行簡以臨其民孔子
然之易曰易簡而天下之理得矣語曰以約失
之者鮮矣今天下事變無窮而所言不一卒難
辨明易於眩惑為長官者豈宜輕遽立論倉卒
剖決為人朦朧而不思簡易之策以破口辨之
弊今諸曹公事各有吏司其責凡有得失是非

惟責其所司言由人出事由人行不事多辨而責其出言行事之人豈不約而易守簡而可行況自古以來知人於任用以前者甚難責人於已形有跡者甚易特不為下民究心耳今為吏者固難求備豈宜日為其所罔而不思所以過之當集羣吏而戒之曰朝廷為下民建官設吏各有攸司各曹公事其責各有所歸吾特總其事者諸事不法乃汝之咎汝之不公是予之責纔說巧言實古聖賢所聖畏吾今不尚口辨夙

卷一 九

夜不寧察汝行止從公去處自今以往咸宜改過自新敢有欺公罔上枉法妄行則國有常刑自戒諭之後各司吏所行公事但關係利害者令其置簿明述緣由以備長官從容參詳屢省而時考之仍令人多方體察其是非所犯重而故者必治之其欺公罔上至甚者則罷去庶幾諸吏有所忌憚少澁欺罔奸弊庶幾民情漸可得吾志稍可行弊政稍可除善政稍可舉然今又有天下通病在於耻改過雖明知為奸吏所

臣卒無如之何諸人得以掩過匿非滋長奸邪所關匪輕不可不明之堯舜舍己從人成湯改過不吝曾子曰吾過矣子曰君子之過也如日月之食焉過也人皆見之更也人皆仰之非堯舜安能每事盡善過而不改是謂過矣況條令諸公事倍違明許錯者依例改正違者隨事舉行孰敢曰不然為長官者誠能博求輿言願聞已過勇改不吝斯乃古君子大德則忠告善道者必有人矣下民休戚何患乎不知諸事

卷一 十

是非何患乎不白則同僚亦將敬畏矧諸吏民敢不率服或曰諸事遲錯自有經歷司檢舉案必太守博求輿言願聞已過曰若經歷司暨諸吏咸一乃心公乃事則何弊不除何政不舉今正疑其不然耳或又曰疑人莫用人莫疑今諸路建官設吏莫非資太守所用奚為疑之曰古聖人深慮知人甚難人材不易得故用人弗苟任人弗疑凡長官皆得以自簡乃僚得以進君子退小人則庶僚允諧百志惟熙非難事今

則不然君子非長官所得而自用小人非長官所得而自去所以左右前後貪官污吏無非拂亂吾行事者故不得不為之計不得不從權適變以行事若他日升朝則不宜區區若是當以稷契之道事聖主為堯舜謹於擇賢勿疑所任用不輕用付於可付自上而下次第各辟其屬則所擇簡而易精其責各有所歸不患乏人矣惟擇賢材不張資格則俊乂不困下僚不肖者難匿其過亦化為善矣矣無問貴賤不問親疎惟仁是用惟德是舉則野無遺賢嘉言罔攸伏庶績其凝矣凡為臣子以道事君不可則止斯為盡忠斯為不佞愚見如是不審可以上達太守否惟先生筆削而教之幸甚

擇人至難

惟賢知賢惟聖知聖唐虞盛際尚以知人為難况於今世擇人尤非易事書曰亦行有九德亦言其人有九德中庸曰取人以身修身以道不

人惟恐巧言令色孔壬者見謂賢材大公至正不佞者反見疑忌既未知君子小人之辨豈能考幽明以黜陟矧能量賢材之大小而不謬無惑乎後世選法不得不拘資格考俸月以為常

古今君子

凡有志於善治者莫不以擇人為先所患無人可擇卒付之無可奈何人性皆善非無人可擇也特古今風俗不同耳古之君子隱於野必有其所可以訪而求之今之君子隱於人心莫知其鄉可以訪而求之嗚呼自孔子沒堯舜湯武之道不明於天下也久矣人心之蒙蔽也不知其幾年苟不大明以道大開人心終恐君子隱伏不可得而大作

作養賢材

今士大夫間高論或以國家惟用賢材絕無私黨公道斯行人欲斯熄天下安平可坐而待惟所慮者賢材甚鮮無如之何此言誠知今世流俗之弊特未知先大聖人明有至訓開人大道